

\*\*\*\*\*

## RAGAD ADVERTENTIE:

Kabar premili: 1 — 30 temboeng f 1.—  
Langkoengipoen, saben 10 temboeng oetawi  
kirang: f 0,50.

Advertentie limrah: f 0,15 sagaris;  
(apes: f 1,25).  
Moendoet kapatjak langkoeng saking sa-  
pisan, oetawi moendoet dados lengganan,  
tepang rembag roemijin kalijan admini-  
stratie.

Hoofdredacteur:

B. SOEMARNA

kabantoe

REDACTIE - COMMISSIE.

\*\*\*\*\*

# SWARA-TAMA

## SERAT KABAR KATHOLIEK

== Medal saben dinten Djoemoewah. ==

\*\*\*\*\*

REGINIPOEN LENGGANAN

SWARA TAMA

sampoen kalijan regining Soeara Katholiek

1 taoen . . . f 7,50 } njoewoen kabajar  
1/2 . . . f 3,75 } roemijin.

Adrèspoen Redactie lan Administratie

IGNATIUS - COLLEGE

DJOKJAKARTA.

\*\*\*\*\*

Drukkerij „Canisius” Djokja.

## ISINIPOEN.

Gesang rerajatan lan djagad so-  
cial — Aroem daloe, ning tenan —  
Wangsoelan — Nerangaken serat ka-  
bar — Serat kintoenan — W.K. ing  
Moentilan — K. W. ing Djokjakarta  
— Kring Bandoeng — Saja nggreng-  
seng — K. W. ing Gandjoeran — K.  
W. ing Blitan — Pramila — Ontjèn  
sekar gambir melati — Oerap — sari.

## WARA - WARA.

Ngatoeri priksa dateng para  
oetoesaning pakempalan ingkang  
badé ngrawoehi tjandi Tyas Da-  
lem ing Gandjoeran comite van  
Ontvang ing dinten malempoen  
Slasa, boten saged nampi  
officieele ontvangst.

Pangreh  
COMITÉ.

## L A R A S A T I.

## GESANG RERAJATAN LAN DJAGAD SOCIAL.

Wewenang lan wadjibipoen tijang  
sepoeh dateng anak.

Anggènipoen ngoekoem kedah  
adil, moerwat kalijan lepatipoen,  
wewatekan toewin ageng aliting  
laré. Tijang sepoeh kedah ndjagi  
sampoen ngantos ngoekoem kale-  
pitan, ingkang boten dipoentemaha.  
Kedah namoeng margi katresnan-  
ipoen dateng anak, tijang sepoeh  
anggènipoen njoekani paekoeman,  
boten sebab saking nepsoe oetawi  
sebab sanès ingkang kirang prajogi.  
Bapa bijoeng manawi srengeng kedah  
saroedjoek; dados manawi laré di-  
poenoekoem bijoengipoen kanti adil,  
bapa boten kénging ngréntjangi  
anakipoen, lan kosok - wangsoel.  
Tijang sepoeh ingkang kerep sre-  
ngeng, ananging babar pisan boten  
naté njoekani paekoeman, poenika  
sami kalijan Héli, ingkang angsal  
dedoeke (ngantos manggih tiwas  
pedjah) saking Goesti Allah margi  
ngéman anakipoen boten poeroen  
ngoekoem, sanadjan anak lelampah-  
anipoen boten saé.—

Dados kamiwelasan poenika boten  
saé, mangké ladjeng nama welas  
tanpa alis. Tresna dateng anak te-  
gesipoen moedjékaken saé dateng  
anak; ngoedi soepados anakipoen  
seneng, manggih basoeke; ngarah  
moerih itjaling bebaja ingkang badé  
ndatengi. Ingkang sarèhning laré  
wiwit alit dèrèng mangertos barang  
poenapa ingkang damel saé lan ba-  
rang poendi ingkang moeroegaken  
awon, mila wiwit alit dipoensoekani  
soemerep.

Manawi wonten ingkang tjarijos:  
akoe ora tegel nèk ana botjah nangis;  
dadi apa kang dadi pandjaloejing  
botjah, akoe koedoe-koedoe mènèhi,  
soepaja adja nangis. Makaten poe-  
nika ing tembé wingking boten saé  
kedadosanipoen; awit laré ladjeng  
nama ngadi - adi; samangsa boten  
ketoroetan ingkang dados keka-  
djanganipoen, teroes nangis gadah  
roemaos mengko jèn akoe nangis  
rak mesti diwènèhi.

Déné kawadjabanipoen tijang se-  
poeh ingkang ageng lan perloe  
pijambak inggih poenika: njoekani  
toelada saé. Piwoelang saé, pitoetoer  
katak - katah boten badé wonten  
wohipoen, liripoen boten kagatos-  
aken ing laré, samangsa laré soe-  
merek bilih tijang sepoehipoen boten  
nindakaken pijambak. Temtoe ké-  
mawon, laré saged oegi dipoent-  
tangi manahipoen, bokmanawi malah  
gadag krenteg badé ngambahi saé,  
nggatosaken pitoetoeripoen tijang  
sepoeh, nanging sareng tijang sepoeh  
tindakipoen soelaja kalijan piwoe-  
langipoen, poen laré ladjeng mak  
plenggong, kèndel namoeng niroe  
lampahipoen kémawon. Manawi ti-  
jang sepoeh kirang sregep ngibadah,  
kemma pasowitanipoen ing Pangé-  
ran, badé akèn sregep anakipoen,  
badé akèn kerep sowan ing Grédja,  
inggih badé sakedik kadadosanipoen,  
manawi ingkang sepoeh pijambak

boten njoekani toelada saé. Wiwit  
alit laré ingkang dipoensawang-  
sawang namoeng tijang sepoeh; laré  
ingkang boten nggega tijang sepoeh,  
inggih angèl badé anggega tijang  
sanès, oepami goeroe; dalasan pi-  
woelang lan pitoetoeripoen pang-  
geng rohani kémawon, badé saked-  
dik damelipoen. A.

## PRADJA RAHAJOE.

## AROEM DALOE, NING TENAN.

Wonten ing Sw.T.No.4 ingkang  
medal tanggal 24 Januari samangké  
poenika, sadèrèk jèn Kober kados  
toeloeng-toeloeng, amargi badé ka-  
tiwasan. Koela radi kagèt, koela  
wastani wonten tijang ketoendjang  
bis, djeboel kesrèmpèt waé, agi  
mèh arep.

Koela poenika awon-awon meksa  
satoenggiling consulent. Dateng ba-  
bagan toetoeloeng makaten mila  
pantjèn sampoen toekang, ning nak  
kober.

Woesana sinareng nembé poenika  
koela badé noeloengi dateng sadè-  
rèk jèn Kober, djeboel mak djega-  
gig, katel, kados fiets ingkang sroe-  
toel ontelanipoen. Koela kowal-ka-  
wil, meksa halloes, mlèsèd-mlèsèd  
kémawon. Tjara wajangipoen kados  
rahadèn Sangkoeni, badé kanggé  
main kiprah, djeboel poetoel garané.

Karanganipoen sadèrèk jèn Kober  
koela woas - waos ngantos ping  
woloe, éwasamanten meksa ewèd  
anggèn koela badé toetoeloeng. Ora,  
sing lara iki apané ta - nèh, lan  
olèhkoe nambani seka ngendi? Èh,  
kesoeh timen atiné awakkoé kijé.  
Wong ndjedjaloek kok ora karowan  
sing ditoeidingi, emoh akoe nèk  
ngono. Sabeneré waé sadèrèk jèn  
Kober ikoe apa ta kang dipoendoet.  
Anjel akoe. Jèn ta botjahja tjilik,  
tak-ekon mèlèt ilaté. Ha jèn nge-  
loea, wis karowan, tak atoeri dje-  
ram - djeram goeloeng, mestiné ija  
kersa ngagem pilis, lo, timbang ora  
ana pilis lijané. Apa ija ditjandak  
sikilé waé tjek, ndjoer dioeroet wani  
nganggo gendoe kopé?

Wonten ngrikanipoen sadèrèk jèn  
Kober ngandika makaten:

Kotjapa, énggal poenika satoeng-  
giling toean Bosch manggih réka  
énggal, soepados anggènipoen  
ndèrès karèt medal katah. Manoe  
réka énggal poenika angger oewit  
saged ngedalaken 100% tanpa  
kanti ngrisakaken witipoen. Jèn  
sadaja bangsa Europa ingkang  
gadag wit karèt sami nganggé  
réka énggal poenika, bangsa In-  
donésijah badé kompèren, woe-  
sana ketiwasan.

Saweg semanten kaparenga njela  
atoer. Toewan Bosch gadag pamang-  
gih kados ing nginggil poenika,  
poenapa boten sampoen wadjibipoen  
jèn ta ingalembanaa. Menawi saged  
kados prajogi tinoelad, menawi boten  
saged, la inggih dipoenkèndelaken  
kémawon. Nanging sadèrèk jèn  
Kober boten ngaten, ing semoe  
sadjak adjirih, bokmanawi radi ngoe-  
watosaken kagoenganipoen Indoné-  
sijem. Weroeh kongono waé kok  
wedi, méndah géné jèn weroeh  
sing loewih gedé, kongoenoe, ora  
djoer kami-tol-tolen.

Prijantoen waoe ngandika: kom-  
pèren. Pantjèn, mila pantjèn kom-  
pèren, tijang sapoenika saweg taoen  
1930, tjara djongkinipoen dèrèng  
saged nggitik. Kompèren jèn pan-  
tjèn tenan, badé kados-poendi malih.  
Nak kompèren malah ora ana sing  
njetoet, djé. Nanging sareng mawi  
dipoenèmbèl-èmbèli: woesana keti-  
wasan: lo, koela ladjeng bènget.

Sinten ta ingkang ketiwasan poe-  
nika? Lan ketiwasan poenapa?  
Wong ming ana wong ndèrès metoe  
100% waé, kok ndjoer ketiwasan.  
Nijat boeta Térong, agi dirasani  
waé teroes mati. Namong prakawis  
karèt, sanès tetedan kémawon kok  
ketiwasan. Poenapa tijang Indiè  
poenika tedanipoen karèt ta? Koela  
poenika sepisan kémawon dèrèng  
naté neda karèt, kok inggih dèrèng  
naté ketiwasan.

Sadèrèk jèn Kober ngandika ma-  
lih:

Jèn wedalan karèt saja katah,  
aospoewon wonten peken-donja badé  
medak.

Kelerasan, malah ing ngriki boten  
oesah nanem karèt, kantoen toem-  
bas kémawon. Tijang mirah regi-  
nipoen kok ngaja - aja sadé koewih  
karèt, jak nijat ngingoe loewak.  
Apa ija kelakon loewak ikoe didjoe-  
poek dèdèsé. Kalijan malih anggèn  
pandjenengan badé dasar koewih  
karèt badé wonten poendi. Poena-  
pa badé pandjenengan kintoen da-  
teng Manggarai? Katimbang karèt  
aloewoeng kimpoe, mrendel jèn  
kateda. Lan malih jèn pinoeidjoe  
patjeklik awis tedi kados Mangga-  
rai, koela boten oesah adang karèt,  
inggih jèn saged mateng. Mangan  
kok mangan karèt, apa nang weteng  
kirané ora hanggandjel.

Tjekaking tjekak, koela poenika  
pandjenengan dawoehi poenapa ta?  
Poenapa pandjenengan dawoehi  
ngelikaken dateng toewan Bosch:  
Zeg Nir Bosch, geen nieuwigheid  
meer uitvinden, K. anders Indone-  
sijem va-e-liet. Geen grappen meer  
ja hoor! Engko darani dahwèn.

Poenapa koela pandjenengan da-  
woehi pados akal, soepados saged  
ndèrès medal 137%, oetawi saged  
ndèrès medal piambak. Mangké  
manoe éntang pandjenengan ing  
Indiè riki ladjeng kebak karèt, alias  
ge-karèt. La jèn mekaten kita ladjeng  
tindak dateng poendi, poenapa boten  
ladjeng ge-Delied oetawi ge-Lam-  
pong.

Bok inggih dipoenntosi kema-

## WARA - WARA.

Lengganan ingkang taksih kagoengan toenggakan taoen  
1929, kasoewoen kanti sanget kersaa énggal ngloenasi sareng  
lan arta lengganan kwartaal 1 taoen 1930; déné ingkang boten  
kagoengan toenggakan inggih kasoewoen kersaa maringi arta  
lengganan kwartaal 1 taoen 1930, awit badé wonten éwah-  
éwahan:

mriksanana katja kalih:

won, idep-idep bèn rada sabar,  
moempoeng sasi pasa. Géné bèn-  
djangipoen Europa jektos mirah  
karèt, kadjengipoen malah kelerasan.  
Wit-witipoen ing kebon karèt kan-  
toen mboeboeti kémawon, sitinipoen  
ladjeng dipoensabin, mangké rak  
medal pantoenipoen. Jèn pandje-  
nengan ngemohi pantoen, mangka  
bèndjing panèn gewos melik, koela  
ta sampoen ingkang nebas. Manawi  
djelèh pantoen, dipoensloendingi  
sata, mangké rak kénging kadamel  
rokok. Sa - awon - awonipoen sata  
makaten inggih taksih nama sata,  
nak disidot, rasané rata. Inggih  
leres sata Djawi sadjak radi ampeg,  
nanging saking roemaos koela ti-  
nimbang oedoe karèt, jak, apa ja  
jaja ijoengé? Inggih leres karèt  
poenika semegrak, ning tenan.

dul. Itoedija.

### WANGSOELANIPOEN KARANGAN "AROEM-DALOE, NING TENAN".

Kalerasan, déné Redaksi maringa-  
ken karangan „Aroem-daloe, ning  
tenan” sadèrèngipoen kapatjak ing  
Sw. Tam. dateng koela, perloeni-  
poen soepados kaemota sareng-  
sareng kalijan wangsoelan koela.

Koela bingah, déné karangan ko-  
la kawaos ing satoenggaling con-  
sulent, nanging djeboel consulent  
ingkang pitipoen sampoen sroetoel  
ontelanipoen, dados kowal - kawil,  
meksa halloes, mlèsèd-mlèsèd ké-  
mawon. Bok moendoet pit énggal!  
Tegesipoen: bok sampoen awata  
nglokro makaten!

Tijang Djawi (Indonésijah) nanem  
karèt poenika perloenipoen poena-  
pa? Poenapa badé kateda? Inggih,  
nanging déné karètipoen. Sekoeli-  
poen ingkang kateda. Sagedipoen  
angsal sekoel, toemrap tetijang waoe  
boten sarana nanem pantoen, dja-  
laran 1e bokmanawi siti ngrikoe

kalih, sadaja - sadajanipoen sami,  
nanging ingkang satoenggaling ne-  
roesaken nglinting mawi tangan, sa-  
toenggalingipoen mawi masine, mang-  
ké ingkang nglinting mawi tangan  
waoe masti ambroekipoen, kedjawi  
jèn oegi poeroen toembas masine.

Makaten oegi bab andèrès karèt.  
Jèn bangsa Éropah mawi rékanipoen  
toewan Bosch, bangsa Indonésijah  
boten, bangsa Indonésijah temtoe  
kawon. Toewan Bosch pantes ka-  
alem. Sadèrèk „dul. Itoe dija” ngan-  
dika: „Manawi saged prajogi ti-  
noelad”. Lo, jèn prajogi, mangga ta  
dipoenajoni! Sampoen énggal-éng-  
gal ngandika: „Boten saged”. Jèn  
koela ngertos dateng landbouw,  
sarta dados Consulent, koela oedi  
sagedipoen niroe, pados boekoe-  
boekoe lsp., ladjeng jèn pinanggih,  
teroes koela tjobi, malah manawi  
saged, dipoengngantos medal 137  
persèn, nanging kanti prajitna, awit  
jèn peken-donja kekatahen karèt,  
reginipoen medak, mila tetijang  
kedah katoentoen. Sinten ing-  
kang saged noentoen? Jèn boten  
consulent, sinten malih ingkang  
saged? Consulent poenika asal-  
ipoen saking temboeng poenapa?  
Poenapa boten ateges toekang awèh  
remboeg? Rak makaten ta Rama  
Redaktoer?\*)

Mila mangga sadèrèk „dul. Itoe-  
dija” sampoen nglokro. Sampoen  
ngandika: „Kompèren ja bèn, ma-  
lah ora ana sing njetoet. Karètè bèn  
diboeboeti, bandjoer nandoer pari  
lsp.” Inggih dipoenrembag boten  
teka badé neda karèt, nanging sra-  
na nanem karèt, pados jatra kanggé  
toembas oewos. Ngènetana, bilih  
taoen kapengker tetijang Katoelik  
Borné sami neda dana arta sarta  
sokoer saged angsal ± 10 ewoe,

\*) Inggih. Consulent: raadgever, saking  
temboeng Latin consuléré.

## R E T R È T.

Bèndjing sijam ing Moentilan badé  
ngawontenaken retrèt mawi basa Dja-  
wi. Wiwit tanggal 24 Februari (Senèn  
Sonten) doemoegi 27 Februari. Wra-  
gadipoen f 3.—

De Rector

van het XAVERIUS - COLLEGE.

margi karètipoen boten njoekani  
pamedal.

Mangga sadèrèk „dul Itoedija”  
koela atoeri pados réka mitoe-  
loengi bangsa kita.

Jèn Kober.

## KOEROE SÈTRA.

## NENGENAKEN SERAT KABAR!

Doemoegi titi sapoenika saja san-  
ter pangadjak ngagengaken, nengen-  
aken serat kabar. Boten namoeng ing  
kalangan Kath. kémawon, nanging  
sanadjan ing kalangan sadjawining  
Katholiek oegi saja santer pambe-  
ngokipoen, dalasan Bintang Timoer  
inggih mbengok sarosanipoen soe-  
pados pers Indonesia sami dipoen-  
agigna. Ing kalangan kita Katholiek  
pijambak, inggih ing Sw.T. inggih ing  
S. K. oegi wonten vergaderingen  
ing poendi-poendi panggénan tansah  
kapireng pangadjak ngagengaken se-  
rat kabar kita. *Mongkok raosing ma-  
nah koela jèn mireng kados makaten  
poenika! Mila sampoen samestèni-  
poen kita kedah sami nengenaken  
dateng serat kabar. Mila serat kabar  
poenika dedamel lan bètènging go-  
longan. Sinten ingkang badé oeng-  
goel, kedah gadah koran ingkang me-  
nangan. Serat kabar pantjèn preloe  
sanget toemrapping wonten donja  
poenika. Pantjèn mas bèi Sastrapa-  
nitya oetawi njonjah Pers ingkang  
ngemoedèni lampahing donja (Tam-  
tama Dalem Dèwi Marjah December  
1929).*

Koela roemaos goemoen, roemaos  
éman manawi wonten sadèrèk ing-  
kang gadag panggalih: Sw. T. lan  
S.K. didadèkaké sidji baé  
bandjoer digawé dagblad  
mlajoe. Sadèrèk, koela atoeri sa-  
bar sawatawis. Koela atoeri mangga-  
lih ingkang pandjag, sampoen agè<sup>2</sup>  
damel poetoesan. Sampoen mastèk-  
aken barang ingkang dèrèng wonten  
wangsoel malah ngémana dateng ba-  
rang ingkang wonten, awit barang  
ingkang sampoen wonten poenika  
adinipoen langkoeng ageng tinim-  
bang barang ingkang dèrèng wonten  
..... *beter iets dan niets!* Lan  
sampoen kagoengan panginten jèn  
dagblad Mladjeng satoenggaling poe-  
nika sampoen katjekapaken betah kita!  
O noewoen babar pisan dèrèng. Ka-  
djawi ngèneti kabetahan warni-war-  
ni kita kedah ngèneti kekijatanipoen  
tijang satoenggaling - satoenggalingipoen  
inggih toemrapping finansièl lan  
ontwikkelingipoen. Boten sadaja ti-  
jang saged oetawi poeroen ngebon  
dagblad. Ingkang makaten poenika  
kita inggih ladjeng betah: 1 Serat  
kabar padintenan. 2 Serat  
kabar minggon (saminggoe  
kaping kalih oetawi tiga) 3 Serat  
kabar woelanan (sawoelan ka-  
ping kalih). Ing ngriki koela boten  
preloe njongoelaken, jèn ing nagari  
Walandi wonten dagblad pinten-pin-  
ten, samanten oegi weekblad lan  
maandblad boten kantenan tjatjah-  
ipoen; boten perloe koela mendet  
oepami ing tanah Inggris, Amerika;  
ananging sampoen tjekap margi sa-  
king kawontenan poenika ladjeng  
mastani jèn kita betah sanget dateng  
wontening serat kabar poenika. Tam-



W. K. MOENTILAN.

Kala tanggal 22-1-'30 W. K. Moentilan ngwontenaken pepanggihan minangka pamitan kanggé warganipoen ingkang badé pindah, inggih poenika:

1. R. Ng. Andréas pindah dateng Malang.

2. R. A. A. Hadiwidjana pindah dateng Betawi.

3. Mevr. T. M. Poespawihardja pindah dateng K. Tjroemleng.

Watawis djam 5 sonten, sasampoening warga sampoen sami pepak (± 50), poenapadéné segahan sampoen toemawis, panitrining W. K. i. p. Mevr. C. Siswahadisoebrata lajeng sorsorah ngatoeraken soemedoting manahipoen W. K. tinilar prijantoe tetiga poenika. W. K. soemedot tinilar R. Ng. Andréas Marta Atmadja, djer pandjenenganipoen komisaris W. K., toer anggenipoen dalem wonten Moentilan sampoen 30 taoen, toemoet tjakal bakal adeging Missie Moentilan, ..... Semanten oegi tinilar R. A. Adiwidjana dateng Betawi, W. K. inggih roemaos kantrang - kantringan: langkoeng - langkoeng manawi ngrasaken pandjenenganipoen lan poetra - poetra mentas kémawon sami gerah. Tinilar Mevr. Poespawihardja, ..... W. K. inggih kontjatan daja malih, djer Mevr. Poespawihardja poenika komisarisipoen W. K. oegi ..... Mevr. Poespa atas asmanipoen prijantoe tiga kaseboet ngatoeraken gending panoe woen dateng W. K., poenapadéné ngatoeraken poedya basoe ki amrih widadanipoen W. K. Moentilan .....\*)

Pangreh W. K.

K. W. NGAJOGJAKARTA.

Parepatan tanggal 1-2-'30 wiwit djam 7.30 doemoegi 9.30 wonten dalemipoen sadèrèk Oetaja. Poetoesan ingkang preloe:

1. Najogjani oesoel pangreh P. K. W. bab Sw. T. 2. Pilihan pangreh. Sad. Soegiri, Soegija, Padmawijata (Voorz.), secretaris, penningmeester lami), kapilih malih: kalengahanipoen tetep kados soewaoe. Semanten oegi komisaris C. Darmadhiardja, lan D. Soetana, inggih katetepaken malih. Namong, komisaris Rm. Jama, lan F. Oetaja, kagantos: I. Siswasoebrata, lan A. S. Dwidjasaraja.

(Verslaggever.)

PALEPATAN WARGA PANGREH „K. W.” ING BLITAR NALIKA TANGGAL 30 JANUARI 1930, WONTEN DALEMIPOEN C. J. SINDOEPERWATA.

Warga pangreh pepak, namong penningmeester ingkang boten rawoeh, toer tanpa paring kabar, mila ndadosaken radi ewed, djalaran lajeng boten saged ngrembag bab arta kanggé oetoesan.

Déné ingkang karembag:

I. bab Oetoesan: Pangreh netepaken woereng, djalaran:

a). Tanggaling kongres P. K. W. boten wonten ing dinten liberoan, inggih poenika tg. 16 Maart 1930. Mangka ingkang dados oetoesan prijantoe goeroe ingkang colleganipoen namong satoenggal, dados oepami katilar kewedan.

(Saking panjowoenipoen K. W. Blitar dateng ingkang wadib, soepados bédjeng jèn wonten kongres malih, nggaliha dinten liberoan Sijam, amargi warga K. W. ingkang njamboet damel wonten goepermèn inggih katah, kang mangka liberoen ratjak wonten ing woelan Pasa; soepados kataha ingkang sami rawoeh ing kongres, ingkang ndjalari regengipoen).

b). Kagalih kasipoen K. W. dèrèng kijat.

II. bab panjowoenan Pastoor mligi kanggé tijang Djawi. Ingkang kanggé alasanipoen: tijang Djawi Katholik sampoen k a t a h.

III Panjowoenan soepados kawontena Kerkraad.

IV Ngrembag bab sekolahan kanggé Missie ing Blitar.

V Badé ngabsahaken: Notulen: Spaarclub.

Sadaja poenika badé karembag bédjeng tg. 9 Maart 1930, wonten ing parepatan warga.

Toehoorder.

PALEPATAN K. W. AFDEELING GANDJOERAN.

Nalika tanggal 30 Jan. 1930 K. W. kasebat ngwontenaken Parepatan taoenan manggen ing Soos. Margi saking rendeting lampahing serat oelem, andjalari sakedikipoen para warga anggenipoen sami rawoeh. Goenggoeng kempal wonten warga 18 (kalijan bestuurleden), tamoe kakoeng poetri 6.

Djam 9 parepatan kabikabik déning Pangarsa kanti tata tjara kados adad. Sasampoenipoen Pangarsa matoer noewoen dateng rawoehipoen para warga, sadèrèk secretaris maos notulenipoen parepatan warga (Panitya) ingkang kapengker; sareng sampoen kawewahan kekiranjanipoen wasana notulen kaanggep absah.

Sadèrèk Hartaka anggijaraken kawontenaning arta, inggih kapanggih bérés.

Sadèrèk secretaris maos serat saking pandjenenganipoen rama administrateur Sw. T. a. m. ingkang tjara soeraos soepados K. W. poeroena toemandang moendoeti arta lengganan saking sadèrèk ingkang abone Sw. T. a. m. Poetoesianing rembag bestuur K. W. boten kawraton nindakaken padamelan waoe. Lan para lengganan inggih sami sagah njao si samangsa kapendoeti. Ingriki sadèrèk Mc. Soemaatmadja, binantoe sadèrèk G. Hardjasoemarta lan F. Padma sami nawèkaken Sw. T. a. m.

Wasana wonten lid satoenggal ingkang karsa dados lengganan.

Pilihan pangreh énggal. Ingkang kapilih:

1. F. J. Padma-Jatiwara Pangarsa.

2. G. S. Hardjasoemarta Moeda pangarsa.

3. R. Wignajoebrata Panitya

4. A. Martaatmadja Hartaka.

5. Mc. Soemaatmadja Djoeroe noepiksa.

6. C. Soegija Djoeroe noepiksa.

7. Panggih. Djoeroe noepiksa.

Oesoel dateng kongres P. K. W. „Nihil.”

Déné ingkang kaoetoes toemoet kongres: F. J. Padmajatiwara, Mc. Soemaatmadja, G. S. Hardjasoemarta. Oetoesan namong kabektanan „Vrije mandaet.”

Ing wasana djam 11.30' parepatan katoe toep kanti tata-tjara katholik.

Gandjoeran: 3 Februari 1930.

P. Jat.

\*) Sosorahipoen panitra, tjekap koela tjekak kados ing nggnggil. Sampoen dados panggalih. Red.

KRING BANDOENG SAJA NGGRENGSENG.

Sadèrèngipoen koela ngandaraken kawontenaning kring Bnd. kalilana koela njambeti serat saking Betawi ingkang kalampiraken ing Sw. T. No. 4, 24 Januari poenika.

Menggah wontening sadèrèk ing Betawi, nitik glagadipoen ing wekdal sapoenika, kados dèrèng kijat ngwontenaken pak. P. P. K. D. oetawi K. W., djer sadèrèk ing Betawi dèrèng katah ingkang djempolan-djempolan.\*

Manoet ingkang kagijaraken wonten ing H. I. S. blad No. 12 jaargang '29, koela wani jakin jèn sadèrèk ing Betawi, badé toemoet ngwontenaken tjabang V. L. S. kados ing Bandoeng. Lo. rak inggih makaten ta sadèrèk Weltevreden?

Soekoer, soekoer, koela namoeng ngeploki saking katebiban, mangga toemoenten kawiwitana, lan berdamia kalijan pangrehipoen V. L. S. p/a Bijz. H. I. S. Magelang.

—o—

Bab verslaging pepanggihan wonten ing Tjimahi poenika, koela boten nggijaraken wonten ing madyaning taman riki, djer para maos temtoe sampoen oeninga pijambak wonten ing verslag ingkang poengkasana, babagan Begrafenisfonds afd. Bnd. Ing-gih poenika, saking kentjenging padoe ka Rama de Rooy, sadèrèk ing Tjimahi kersa ngangseg dados satoenggal kalijan fonds ing Bandoeng.

Warga ing Tjimahi wonten 63, déné ing Bnd. namoeng 24; émanipoen sadèrèk 63 waoe, kita Bandoengan dèrèng wani ngajati ngwontenaken propaganda V. L. S., djer ratjak sadaja sadèrèk militair saking Menado, dados rahi nggadahi manah pakewed; saking sakedik kémawon, alon-alon waton kalakon!

Ing ngriki koela namoeng badé ngatoeraken ingkang pantes kapingreng, inggih poenika prakawis entree dalah contributienipoen.

Kanggé sadèrèk Burgur, dados kados warga ing Bnd. Ingkang kagoengan pamedal f25 minggah, kadedahaken mbajar entree 10% nipoen, mawi minimum f1, semanten poenika kénging katjijil kaping sekawan.

Déné Contributie, kagem warga i. k. sampoen krama, kakéngingaken 1 1/2% ning pamedal, mawi minimum f0.15, lan minimumipoen f1.50.

Warga ingkang dèrèng krama, kakéngingaken 1% ning pamedal, mawi minimum f0.15, lan maximumipoen f1.50.

Wontening arta entree dalah Contributie kagem sadèrèk militair rahi kabèda, inggih poenika:

Entree: a. Militair limrah f1.—  
b. Koperaal f1.50  
c. Sergeant titulair f2.—  
d. Sergeant f2.50

Contributienipoen:  
a. Militair limrah f0.30  
b. Koperaal f0.50  
c. Sergeant titulair f0.75  
d. Sergeant f1.—

Toetoeapan boekoe woelan Januari poenika, arta kas sampoen saged nglempak f132.76; déné i. k. f100.— sampoen saged kalebetaken wonten ing Bank.

—o—

Menggah wontening V. L. S. kring Bnd, wiwit woelan September doemoegi Januari poenika kita sampoen saged njaoesaken: (kintoen)

September f 8.37  
October f13.12  
Nov. f 9.40  
Dec. f13.78 poenika

kalijan arta kas voor het eerste priesterfonds.

Jan. f10.05

Dados nitik wontening arta poenika kring Bandoeng, saestoe rahi katingal nggrengsengipoen.

Ing ngriki koela èmbèli sakedik toemoedjoe dateng sadèrèk ing Betawi, djer ing Betawi ingkang saweg brikib-brikib badé toemoet madjeng, kersanipoen madjeng babar pisan.

Sadèrèk, poenapa pandjenengan sadaja sampoen toemandang, ngrèntjangi tetoeloeng, kasangsaran i. k. sinandang déning sadèrèk ing Manggarai Flores?

Mangga koela atoeri ngajati oegi, margi poenika oegi boten wonten itjalipoen, Gotrah Katholik Djawi kidoel wétan pandjenengan ing Paredèn sampoen ngroemijini.

Woesana koela ambali sepisan engkas: sadèrèk ing West-Java, soemangga sampoen rangoe - rangoe, énggal toemoentena ngangseg sasaged-sagedipoen.

taklim:

BANDOENGAN.

\*) Senadjan dèrèng katah djempolan, manawi wonten satoenggal kémawon, ingkang saged lan kersa noentoen, temtoe badé toemindak. Katah djempolan, nanging nglokro, tanpa paedah. Red.

toe kémawon boten kok ladjeng sadaja poenika saged kadoemoegèn, kaleksanan sanalika, nanging sase-lot-selotipoen saking sakedik tamtoe inggih badé kadoemoegèn sadaja. Mila koela roemaos éman sanget manawi barang ingkang sampoen wonten poenika badé soeda, manawi badé mindak mangga koela bijantoe.

Ing ngriki ingkang kedah sami kita oedi roemasoeing dateng baloeng soengsoem raos: „roemaos mbetahaken sanget dateng serat kabar, langkoeng<sup>2</sup> serat kabar Katholiek.” Manawi roemaos poenika sampoen soemrambah dateng gotrah Katholik, paribasan: soewé midjet wohing rant! Awit angger sadaja sampoen sami roemaos mbetahaken, saestoe badé sami ngetog mboedi daja amrih katekapan betahipoen. Sagedipoen sami ladjeng roemaos mbetahaken poenika sapisan manawi sampoen naté kabentoës. Poenapa taksih kirang bebaja lan pakewed ingkang kita sandang? Kaping kalihipoen manawi poen nalar sampoen jakin dateng pigoenanipoen serat kabar. Jèn dèrèng, tangèh sagedipoen kraos! Wondéné goenanipoen serat kabar Kath. poenika ageng lan katah sanget. Mangga koela djèrèngipoen sawatawis:

1e. Kanggé mangsoeli (nanggoelang) panempoehing mengsah—prakawis poenika perloe sanget. Jèn kita tinempoeh, mangka boten gadah papan pijambak kanggé nanggoelang, badé mladjeng dateng poendi? Medal mergi koran sanès? Langkoeng gawat langkoeng roempil, langkoeng roepak marginipoen! Terkadang boten wonten djeboelipoen. 2e. Kanggé ndjagi kita pijambak, liripoen kanggé mageri badan kita pijambak. Makaten terangipoen: Jèn kita kekatahen maos koran sanès Katholik, inggih Djawia, Mladjenga, Walandija, nanging njingkoer koran Kath. kaantepan kita temtoe badé dojong, njingkoer saking wewaton Katholik.

VAN LITH-STICHTING.

POENAPA  
woelan poenika  
Pandjenengan  
sampo en  
A M B A J A R  
Contributie  
V. L. S.?

BESTUUR V. L. S.  
BIJZ. H. I. S. MAGELANG.

Éwah - éwahan.

Wiwit tanggal 1 Maart ngadjeng poenika S w a r a T a m a lan Soeara Katholik madeg pijambak-pijambak, dados kalih-kalihipoen kapisah ing sadajanipoen.

Pramila wiwit wedal poenika prakawis lengganan inggih kapisah; sinten kémawon saged dados lengganan salah satoeng-galing serat kabar kekalih.

Lengganan ingkang sampoen maringi arta lengganan 1 taoen, 1/2 taoen, 1/4 taoen inggih taksih tampi Soeara Katholik dangoenipoen 1 taoen, 1/2 taoen lan 1/4 taoen.

Lengganan Sw. Tm. ingkang tanggal 5 Maart dèrèng maringi arta, boten badé dipoenkintoeni Soeara Katholik wiwit woelan Maart.

Reginipoen Sw. Tm. taksih adjeg kados roemijin f 6 sataoen; adrès oegi taksih lestantoen. Déné adrèsipoen Soeara Katholik:

Redactie }  
Administratie }  
Soeara Katholik  
P. P. K. D. - Kantoor  
Koemendaman Djokja.

Poenika dadosa pamirsa.

Red. en Adm. S. K.  
Red. en Adm. Sw. Tm.

SERAT KINTOENAN.

Poenapa pendjenengan inggih mekaten?

B. Poendi kamas tingsal-angsalipoen anggenipoen tindakan nembé poenika?

A. Boten saged ngatoeri poenapa-poenapa dimas; namoeng badé ngatoeraken kabar saé.

Késah koela poenika perloe toewi kantja koela lami. Koela goemoen ingatasipoen blandjanipoen boten patos katah; nanging katingal anggenipoen ngemen-emenaken pam-

NGOEDARI BOENDELAN.

woelan semanten. Mawi rènten 3%, soeda babon soeda rènten, b. v. f 100 nitjil 1e. f 10.30 2e. termijn f 10.27 sateroesipoen doemoegi loenas.

3e. Sw. Tm. lan S. K. jèn dados dagblad, kadamel 1 taoen a f 12. Warga K. W. lan P. P. K. D. kama-jarna sawatawis.

Redacteur sageda angsal toelage. Jèn preloe ngemoengna ngemoedèni Courant poenika kémawon, tampia bajaran ingkang moerwat.

Sagedipoen makaten kedah gadah DRUKKERIJ pijambak, angrékaa saged damel aandeel a f 10.— 1000 idji poenapa 2000 idji, kénging ka-toembas oegi ingkang dédé kaoem Kath.

Manah kirang pitados, kasingkir-na, sampoen kwatosan. Sampoen ngoengak-oengak ingkang sampoen kawoeri. Déné poenika Drukkerij P. P. P. H. ènget koela ngloengsoer nggentosi P. G. H. B. kok inggih sempoeloer doemoegi sapriki. Pindah Bandoeng meksa djombrot, ambroek, kalijer sanès manawi boten mogok.

4e. Warga K. W. oetawi P. P. K. D. ingkang boten gadah STATUTEN LAN HUISHOUDELIJK REGLEMENT poenika saminipoen laré sekolah boten gadah boekoe waosan, étang sapanoenggilanipoen, sapetil-petila. Mila, ingoedia sadaja warga gadah njatoenggal. Limrahipoen tampi gratis.

Katerangan bab goenanipoen boten oesah koela djèlètrèhaken, nadyan boten sami lan pikadjeng koela sampoen MASTI ngretos pijambak bab paedahipoen poenapa.

5e. Sw. T. oetawi S. K. kaisènana oegi dongèng oetawi tjrijos ingkang tjekak tjekak, nanging loetjoe nggoemoedjengaken, ning boten saroe. Kados oepaminipoen: „Wonten sopir nambal ban wonten sapinggiring margi boten antawis dangoe, wonten tijang kaki-kaki tekenan, keteklik - keteklik mrikoe, anoenten pitakèn. „Ja géné banmoe déné kok bedah?”

Sopir mangsoeli songol: „Dientoeptawon.”

Sampoen ngaso roemijin ngrokok. Poen  
Djamboel wanen.

bantoenipoen dateng jejasan Kath. Tjubi kagalih.

a. Sw. Tm. lengganan; toer nama noenggak jatra lengganan dipoen-singkirli sanget. Menawi gadah kapuloean oepami: pindah adrès; gadah anak, mesti kakabaraken ing Sw. Tm. Abijantoe karangan ing Sw. Tm. inggih rahi kerep.

b. Tamtama Dalem Dèwi Marjah; pambajaripoen jatra lengganan saben taoen inggih boten naté kesoepeèn.

c. Roekti - Woeri; sanadjan anggenipoen nglebeti boten katah, pijambakipoen inggih sampoen dados warganipoen.

d. Van Lith - Stichting: Contributie saben woelan tamtoe kamanah saestoe.

Soemangga kagalih samanten kabregasanipoen kantja koela waoe. Mangka koela poenika Sw. Tm. kémawon pambajaripoen manawi sampoen wongsal-wangsoel kaengetaken Sang Administratie.

B. Wah. La poenika nama tijang Kath. saestoe. Oepami pamedalipoen radi mèmper sakedik malih, koela kinten saja montjèripoen. Djalaran ingkang mesti lenggananipoen lajeng tambah malih: „De Koerier”; „Kath. Illustratie” oetawi sanèsipoen taksih katah.

A. Manawi kémawon inggih makaten. Nanging sadjatosipoen prakawis makaten poenika boten goemantoeng dateng blandjanipoen; ingkang perloe krekatipoen. Djalaran koela inggih sampoen naté njoeuwen priksa sadèrèk Kath; ingkang pamedalipoen sampoen langkoeng saking tjekap, sampoen djoemeneng Schoolopziener. Makaten atoe koela: „Poenapa pandjenengan sampoen dados warganipoen: „R. W. kalijan V. L. S.?” Sapinten tjoewaning manah koela déné wangsoelanipoen dèrèng sadaja. Ngen-dikanipoen makaten: „Prakawis dados warga R. W. badé koela srantosaken roemijin. Mangké menawi sampoen katingal madjeng, koela saweg loemebet. Kanggé warga V. L. S. koela boten tjotjog, déné kamtamtokaken apes 1% ning blandja; tik mawi saben woelan. Ingkang blandjanipoen sampoen radi katah rak radi nggrendjel.”

Mangga dipoen-galih!

P. T. T.



KABAR KATHOLIEK.

**Pastoran Bara** (Kalibawang). Sam. W., njerat makaten: Koela mireng kabar, sawatawis woelan engkas pandjenenganipoen Rama Pastor Prenthaler ing Mendoet badé pindah dateng pastoran énggal ing Bara. Bara lan Kalibawang tjalon dados parochi pijambak, boten toemoet parochi Mendoet.

**Kanggé Missie ing tanah ngriki.** Béndjing Djoeni badé wonten Imam Carmeliet angdajawi kanggé Missie ing Djawi Wétan.

Pandjenenganipoen Zuster Orde v.h. H. Hart van Jezus, asma Margareta, Theresia lan Augustina, béndjing tanggal 21 woelan poenika tindak saking Nederland dateng Missie ing Soematra-Kidoel.

**Papatjak kanggé Missionaris.**

Ngarsa dalem I. S. Kg. S. Rama, sawatawis woelan kapengker andawohaken dateng para Missionaris:

1. Para Missionaris kedah boten anggandoeli kabangsan. Nationalisme tetep sapoe kawat (geesel) ingkang damel sangsaraning pakarjaning Missionaris.
2. Sinten ingkang makarja kanggé Pangéran (-Missionarissen-) boten kapareng tjawé-tjawé barang donja. Djer dawoeh Dalem Goesti Jésoes: „wong ora bisa ngawoela bandara loro babarengan.”
3. Para abdi Dalem Pangéran kedah satoenggal manah, gagasan, lan actie-nipoen. Wawadosipoen kadoemoegening sedy poenika doemoeng wonten ing roekoen, manoenggal.

**Dinten ingkang pantes pinèngtan.**

*Osservatore Romano* soeka ringkesan dinten-dinten ingkang pantes

pinèngtan ing salebetipoen taoen 1930.

21 Februari (mèngeti sédanipoen S. Benediktoes XIII † 1730; lan I. S. Kg. S. Rama Honorius II † 1130).

16 Mei (mèngeti S. Alfonsus ing Liguori anggénipoen winisoeda dados Soetji: 1830).

12 Djoeni (mèngeti kala 1630 I. S. Kg. S. Rama Urbanus VIII mate-dakaken nawala paring seseboetan „Eminentie” dateng para Kg. Kardinal.

12 Djoeli (mèngeti djoemeneng dalem I. S. Kg. S. Rama Clemens XII (1370).

28 Agoestoes (sédanipoen S. Agoestinoes: † 28 Ag. 430).

28 November (mèngeti sédanipoen Kg. Kardinal Thomas Wolsey kanselier dalem Hendrik II, nata ing nagari Inggris: † 1530).

30 Nov. (mèngeti séda dalem Pius VIII).

**Missie Djawi ing Suriname.**

Tetijang Djawi ingkang njamboet damel kanggé preloening kaboedidajan ing ngrika, saja katah, kirang langkoeng sampoen wonten 30.000. Margi makaten waoe Missie ing ngrika toemandang sengkoet.

Inggih dados pangangenging Missie-Djawi ing Suriname waoe, pandjenenganipoen P. Ahlbrinck. Ing ngrikoe sampoen wonten goeroe-Agami Djawi. Ing Maliapur sampoen dipoenedegi internaat Kath. kanggé laré-laré djalar Djawi.

Sakedap malih inggih badé dipoenwonteni internaat kanggé laré-laré éstri Djawi. Kadjawi poenika, ing distrik Para boten tebih kaliyan kita Parimaribo, dipoenwonteni sakolahan.

K A B A R O E M O E M .  
I N D O N E S I A .

**Pamedal gendis ing tanah Djawi.**

Dr. H. C. Prins Geerlings amé-tang pamedalipoen gendis tanah Djawi: taoen 1929 wonten 362.700.000 roepijah; kala th. 1928: f 410.575.000 Dados soedanipoen mèh 48 mlijoen roepijah. Kawontenan makaten poenika boten namoeng dados sasangénipoen kaboedidajan gendis ing tanah Djawi kémawon; oegi badé toemoet karaosaken djagad economie ing sa Indonésijah.

**Katoendoeng saking Indonesia.**

Goeroe ngèlmoe poenapa kados-poendi nama mr. Chow, medak saking Hongkong dateng tanah Djawi. Anggénipoen mriki ngakenipoen preloe pados arta kanggé adeging pamoelangan loehoer ing Tiongkok. Anggénipoen pados arta waoe sampoen angsal kinten-kinten 10 éwoe, .. ladjeng wonten resisir saged nganangi mr. Chow waoe djeboel goelet sanget gandèngipoen kaliyan Ir. Soekarna. Margi makaten waoe Goepnoer Djawi Kilèn manggalihi amrih mr. Chow boten dangoe - dangoe wonten ngriki. Mila ladjeng kawangsoelaken dateng nagari Tjina ... (Tanah Indonésijah anker, sadèrèk, sampoen ginagampil! Red.) *Het Nieuws*.

**Pabrik mretjon katoetoe.**

Pabrik mretjon ing Gadang (Malang) ingkang kirang langkoeng kalih-tengahan taoen kapengker ndjebloeg damel tiwasipoen djiwa kalih welas, ... sapoenika dipoentoetoe déning Residèn Malang. Anggénipoen katoetoe poenika, margi nalika kapriksa tétéla anggénipoen njampoeri obat mawi chlorascalicus (K. C. 103). Mangka tjampoeran makaten poenika dados awisan, lan pabrik waoe inggih sampoen kerep kaèngtaken. Tjam-poeran K. C. 103, poenika gampil saged ndjebloeg, moetawatosi toemrap gesangipoen koeli - koeli lan tetijang sakiwa tengenipoen ngrikoe. Inggih gadah pabrik kasereg ing pangadilan. (Soer. Hdbld.).

**Pamoelangan énggal.**

Wiwit 1 Djoeli sakolahan Mulo ing Semarang (gadahanipoen Vereeniging School met de Bijbel), lan Muloschool Bandoeng (gadahanipoen R. K. Kerk-en Armbestuur ing Bandoeng), sami pikantoe soebsidie.”

Ing tapoeiking taoen sakolah 1930/1931 ing Djember lan Padang Sidempoean badé dipoendegi Openbare Mulo-afdeeling der Algemeene Middelbare School.

**Dipoenawisi moelang.**

Sambet kaliyan preloening karentremen oemoem, Paréntah ngawisi sarta njoewak wewenangipoen moelang sadèrèk Rudolf Radjiman Jasasodarma, sarta sadèrèk Kada-roesman. Kalih - kalihipoen sami goeroe pamoelangan partikelir Wijata Tjahja ing Semarang,

**Ambachtsschool ing Pédan.**

Katjarjosaken béndjing 1 Djoeni ing Pédan (Klatèn) badé dipoenwonteni pamoelangan krija déning Zending ing Soerakarta. Kanggé sawatawis wekdal namoeng moelangenaken pérangan tosan. Kepalanipoen bangsa Djawi ingkang sapoenika taksih sinaoe wonten Semarang (Sedya Tama).

**Soesoeloeh doesoen.**

Saking ichtjaripoen ingkang Boepati toewin Ass. Resident ing Sragèn, sabijantoe kaliyan Inspecteur Onderwijs ing Ngajogjakarta, ing Sragèn dipoenwonteni pakempalan nama *Soesoeloeh doesoen*.

Pakempalan poenika waoe sedyanipoen ngadjengaken sakolahan doesoen, sarana ngedegaken sakolahan - sakolahan doesoen wonten ing panggenan ingkang kamanah preloe. (Sedya Tama).

**Standplaatstoelage.**

Papan - papan ingkang kaseboet ing ngandap poenika katjetat pikantoe standplaatstoelage (10<sup>0</sup>/<sub>100</sub> maxium f 50): Separong, Pendjalai, Tandjoengsamak, Tandjoengkedaboe (gewest Soematra Wétan).

**Pangiridan taoen 1930.**

Boten patos saéning kawontenan financieel-ipoen Opper Bestuur ing Nederland, tjalon anoemoesi begrooting Indonésijah. Manoeit pami-rengipoen *De Koerier*, kinten-kinten kémawon gewone dienst badé kairid 6 mlijoen roepijah buitengewone dienst 8 mlijoen roepijah.

**Mitoeloengi poelisi lan wadyabala.**

Aneta njarijosaken ing Médan tjalon wonten weerbaarheidscorps ingkang sedyanipoen mitoeloengi poelisi lan militèr samangsa-mangsa wonten resesah.

**P. G. H. B. Ngajogjakarta.**

Parepatan tanggal 31 Djanowari. Poetoesan ingkang preloe: 1. Boten njaroedjoei oesoel Verbondsbestuur bab koersoes-koersoes kanggé nggajoe pangkat Schooldziener, lan panggajoe bab speciale bijacten toemrap goeroe-goeroe V.I.O. Awit kamanah koersoes-koersoes poenika tanpa teges; kénging kasoeraos politiek ngirid waragad. Kadjawi poenika: P. G. H. B. oesoel makaten poenika saminipoen ngengèl-engèl lakoéné déwé; djer kados kawontenan samangké kémawon sampoen kénging kanggé anggajoe pangkat waoe kok ndadak njoewoen wontening papanggih koersoes anoeanoe. ... Aloewoeng sakolahan kémawon ingkang dipoendadosi, kanggilaken woelanganipoen. 2. Prakawis onderwijskapasrahaken dateng provincie, P. G. H. B. Ngajogja ma-toek oeger irih-irih saking sakedik roemijin ... Loemintiring onderwijks

dateng provincie poenika boten saged dipoensélaki, déning poenika dados boentoetipoen pranatan centralisatie dados decentralisatie. (A.S.D.)

**Malarajah damel pepedjah pinten-pinten.**

Sasakit malarajah ngamoek wonten ing distrik Baratlaeot, Timor-laot lan Boender sami bawah Pamekasan. Dokter ing Soemenep lan dokter partikelir ing Pamekasan sami ngedoemaken tablèt lalahanan. Ass. Res. Soemenep moendoet kintoenan tablèt saking Bandoengsche Kininie fabriek.

Wiwit tanggal 30 Dec. '29 - 14 Djanowari '30, ing ond. dist. Pragaan, dist. Baratlaeot tijang ingkang pedjah déning malarajah wonten 150. Wiwit 30 Dec. - 10 Djanowari ing onderdist. Bloeto, ingkang pedjah margi malaria 104 djiwa. Dados sadaja, ing salebetipoen *kali minggoe* 254. ... Tjatjah-tjatjah ing nginggil poenika mitoeroet palapoeran ingkang dateng Goepnoer Djawi Wétan. (Nw. Soer. Courant).

**Mataram ingkang medal dinten**

Senèn poenika, anjarjosaken oegi ing bawah kaboepatèn Adikarta, Wates lan Pandjatan (residentie Ngajogja) inggih kambah pagebloeg malaria anggegiris. Salebetipoen nem taoen poenika, saweg samangké tanah ngrikoe kambah malaria nggegiris kados sapoenika. Ing salebetipoen 3 minggoe ing ngrikoe tjatjahing tijang ingkang sakit malaria tropica lan tertiana wonten 8000 - 9000. Minggoe ingkang kapisan, ingkang pedjah 27 (laré alit 16); minggoe kaping kalihipoen 28 (semanten waoe ingkang laré alit 22).

Déné minggoe ingkang kaping tiga dèrèng kasoemerepan. Para mantri kasarasan sami toemandang ngedoemaken tablèt. Tablèt waoe kadoemaken dateng tetijang pijambak, dados boten lantaran loerah. ... (Sanès panggenan kaatoeran djagidjagi! Red.)

**Koeli-koeli ing Soematra Wétan.**

*Pewarta Deli* tjarijos makaten: ... „Mitoeroet tjatetanipoen Handelsvereniging, saja dangoe tjatjahing siti-siti ingkang kanggé preloening kebon saja wijar. Kapitaal-kapitaal kebon saja dipoenwewahi, koeli-koeli ingkang kadatengaken saking tanah Djawi saja katah.” Tjatan-tjatan ing ngandap poenika, anedahaken kados poenapa saja saking kawontenanipoen kawoela. Panggesanganipoen kaoem tani saja kadesek déning dajaning kaoem arta. Ing ngandap poenika tjatetanipoen tanah-tanah ingkang kabikak; katahing koeli-koeli, karatjak ing dalem sahectare:

taoen	Hectare	Koeli kontrak	Kontrak sa-ben sahectare.
1914.	103.578.	177.157.	1,71.
1915.	131.151.	172.869.	1,32.
1916.	143.304.	190.792.	1,33.
1917.	161.806.	209.207.	1,29.
1918.	161.816.	228.553.	1,41.
1919.	182.701.	239.307.	1,31.
1920.	188.378.	238.336.	1,27.
1921.	209.577.	208.343.	0,99.
1922.	221.639.	179.812.	0,81.
1923.	229.288.	173.901.	0,76.
1924.	241.696.	175.481.	0,73.
1925.	258.918.	196.669.	0,76.
1926.	272.344.	222.589.	0,82.
1927.	307.405.	238.970.	0,78.
1928.	331.000.	248.000.	0,75.
1929 Jan. t/m Nov.	264.133.	—	—

Tétéla bilih kapitaal mantja ingkang kadèkèk wonten Soematra Wétan saja katah. Taoen 1914 tanah-tanah ingkang kanggé preloening kebon wonten 103.578. h.a. Salebetipoen 14 taoen sampoen tiket tiganipoen i. p. 331.000 h.a.

Manawi karatjak sataoen-taoenipoen kebon ambikak tanah 16.244 h.a. Semanten oegi kawontenaning koeli-koeli inggih saja katah, ... éwadéné toewan-toewan kebon sami tjarijos manawi poenale sanctie dipoenitjali, badé angèl sagedipoen pikantoe koeli. Kita boten goemoen manawi panggesanganipoen kawoela ladjeng sesek sanget, djer siti-sitinipoen katjepeng tanganipoen kebon. ... Déli, negeri Kapitalisten! ...

**Bandjir ageng.**

*Médan 30 Jan. Aneta.* Lèpèn Wampoe (ingkang ngetoe ing tloga Toba, woetah ing satjelakipoen Tandjoengpoera) bandjir ageng. Tetijang ngrikoe sami loemadjeng ngili dateng sanès panggenan. Tanggoel ing ngrikoe wonten ingkang ambrol bedah babar pisan ngantos pandjangipoen 700 meter, ... toja bandjir ladjeng angelebi pakampoengan lan sabin-sabin.

Karisakan pantoen ingkang wonten sabin kémawon, kataksir wonten 15.000 roepijah.

Toja bandjir waoe katoetan batang oelam pinten-pinten.

**Paréntah kaliyan gendis.**

Nalika prof. Treub mriki ingkang kaping kalihipoen, ladjeng wonten tatanan énggal toemrap pamrajogi oemoem babagan panggaotan tatanèn. Prof. Treub anggadahi panjoewoen soepados manawi Paréntah moendoet rembag prakawis oemoem, kaparenga moendoet rembag kémawon dateng Ondernemersbond; boten dateng badan-babadan ing-

ONTJÈN SEKAR GAMBIR MELATI.

ANAK-ANAK KITA, KOELA ATOERI MANGGALIH.

Katoer konggrès P. G. H. B.

Toewan Pangarsa,

Pandjenengan bokmanawi sampoen pirs, ing Semarang wonten koran kaetjap mawi mesin seratan, anama „*Ons School Courantje*.” Inggih ngedalaken Gemeente ing ngrikoe, njoedijani moerid-moerid H. C. S. ing Semarang. Koran waoe kadoemaken lalahanan. Menggah toedjoenipoen:

1. Memadjoekan ketjakapan Olanda.
2. Soepaja lebih banjak pergaoelan kita dengan orang toeanja kanak-kanak sekolah.

\*\*\*

H. I. S. Moentilan, toewan Pangarsa, sampoen sawatawis taoen poenika angedalaken serat woelan anama H. (oud) L. (mmer) S. (tand.) Koran waoe kadoedjakaken kanggé laré-laré pangkat inggil, lan laré wedalan ngrikoe Basanipoen Djawi kaliyan Walandi. Isinipoen: prakawis kasoelasan toewin kawroeh-kawroeh oemoem. Inggih ngisèni: goeroe, moerid lan tilas moerid. Menggah toedjoenipoen nglantoeaken lalajanipoen moerid, (tilas moerid) ngrikoe kaliyan goeroe-goeroenipoen. Ing pangangkah soepados boten sami kesoepon kaliyan poenapa-poenapa ingkang tinampi wonten ing pamoelangan waoe. ...

\*\*\*

Malih, ... toewan Pangarsa! Ing Salatiga sampoen sadasa taoen mlam-pah inggih wonten koran kanggé laré makaten poenika. Namanipoen „*Lajang kabogahan marang para botjah Djawa*.” Inggih ngedalaken: „Salib Poetih.” Isinipoen prakawis kasoekman. Koran waoe bokmanawi kémawon ingkang bakoe kanggé moerid<sup>2</sup> (laré-laré) Protestant. ...

Ing koran-koran Walandi ngadat mesti gadah „*Kinder Courant*” kanggé anakipoen para leugganan. Limrahipoen medal ing dalem saminggoe sapisan. ...

Tjekak, ... ing tanah kita wonten koran kanggé laré-laré.

\*\*\*

Toewan Pangarsa! Koela manger-tos ing djagad goeroe wonten pangresoela. Inggih dipoen-angloeh warni-warni. Pasambat kekikiran blandja (babagan *nasib*) boten koela ngriki. Djer poenika wiwit P. G. H. B. taksih demolan sampoen tinan dangan. Lan doemoeginipoen sepriki inggih tansah dados intjeran. Inggih koela raosaken poenika para goeroe anggénipoen *mrihatosaken moeridipoen*.

Pandjenengan mesti inggih kerep mireng reraosanipoen goeroe (kadjeng koela goeroe alit-alit; langkoeng-langkoeng pamoelangan Djawi-), makaten: 1. babagan *Onderwijs*: angèl mleboené, gampang laliné, ora petjah nalaré; oetawi ... piwoelang kendèken, temahan ora pajoe dolé, lsp. ... 2. babagan *Opvoeding*: ... dakgoela-wentah kaja ngana, basan metoe, karo akoe ora sapa aroeh; moersal, sasaminipoen! Digoela-wentah kaja ngana, basan dadi wong, karo golongan goeroe ora ngowongaké! enz... enz...

\*\*\*

Toewan Pangarsa! Koela boten mastani bilih sadaja goeroe pamoelangan andap anggadahi panggrantes makaten! Nanging, koela yakin sanget: ing djagad goeroe pantjèn wonten pangresoela makaten poenika! Koela inggih mangretos saged oegi anggénipoen ngantos kataman raos nglangoet, kasakit-sakit waoe, saking lepatipoen pijambak: boten saged nglebetaken piwoelang; boten saged njratèni laré sasaminipoen.

\*\*\*

Toewan Pangarsa! P. G. H. B. poenika dados anggening djagad goeroel Mila wadji oegi manggalihi itjal-ing (soedaning) kawontenan waoe. Saranipoen warni-warni. Sarana warni-warni waoe ingkang koela atoeraken ing ngriki satoenggal, i. p. *damel koran alit-alitan kanggé waosanipoen moerid-moerid pamoelangan andap*.

Koran makaten waoe, saged andajani réréntjang goeroe-goeroe anggénipoen nglebetaken piwoelang: saged, matengaken piwoelang; saged nglantoeaken lalajanipoen tilas moerid kaliyan djagad goeroe; ateges oegi andajani saéning lalajanipoen kawoela oemoem kaliyan djagad goeroe!

Wiwit taoen 1920, paréntah Djer-man migoenaken onderwijssstelsel énggal. Stelsel waoe adadasar: *Durch eine Pädagogik vom Kinde aus*; ateges: (anggénipoen damel petjahing nalaripoen moerid) sarana onderwijss ingkang adadasar pangraos lan paningaling laré. Inggih dipoen-ésti saben laré sageda bawa pribadi. Moerid-moerid kaangkah sampoen ngantos monat-manoet kéma-won kaliyan pamanggihing sanès, boten gadah moga pijambak. Moerid-moerid kedah ngoelinkaken toemin-dak pijambak, mastani pijambak, damel poetoesan pijambak, kanti toentoenan! ... Tjara makaten poenika pantjèn saé: mrantasi; ma-toek kaliyan tjalon mbéndjingipoen! ... Margi wontening koran kados ingkang koela kadjengaken ing nginggil, anak-anak kita inggih saged ginoela-wentah makaten (sarana ngarang wonten ing koran waoe, mabeni pamanggihing sanès, mangsoeli pitakénan<sup>2</sup> oetawi tjangkriman ingkang saged damel petjahing nalar!)

Toewan Pangarsa! Ki Hadjar Déwanara, wonten ing openbare lezing ing Madjoen kala 19 Djanowari ngandikakaken tjatjad - tjatjadipoen laré wedalan sekolahan gagrag Kilèn: boten soemerep tata tjara Djawi djalaran tjoto ing temboeng, kasoesastran Djawi lss.; malih dados Walandi tjitakan; pangling kaliyan kagoenanipoen, gandroeng kagoenan ngamantja. ... (vide verslag *Sedya Tama* 27 Djanowari) ... Tjatjad - tjatjad makaten poenika, koran kados ingkang koela kadjengaken ing nginggil, ... inggih saged toemoet-toemoet angitjalaken.

Kadjawi poenika, poen laré inggih angsal dedasar seneng maos serat kabar. Mangka pangresoelanipoen kamadjengan Indonésijah djaman sapoenika: tetijang sami dèrèng njokot dateng koran kados bangsa<sup>2</sup> ing Éropah! ... Tjekak, *koran botjah* saéstoe migoenani!

\*\*\*

Toewan Pangarsa! Gagajoetan kaliyan wragad, bokmanawi P. G. H. B. boten (dèrèng) saged nglaksanani pamrajogi prakawis waoe ... Manoeit oesoelipoen Verbondsbestuur P. G. H. B., *Persatoean Goeroe* soepados kawedalaken kaping 4 (apes 3). Manawi oesoel waoe katampi, poenapa boten saged, kanggé sawatawis mangsa pendak sawoelan sapi-san wonten lembaran sawatawis ingkang kadadosaken kindercourant? Déné kindercourant waoe sampoen mesti kémawon awoedjoed lembaran pijambak! Koela kinten, golongan goeroe kanti lega anggilakaken lembaran waoe kanggé moerid-moeridipoen. ... Sokoe bagé sèwoe, manawi P. G. H. B. ladjeng damel *koran botjah* kasadé mirah-mirahan dateng moerid-moerid, dados boten gamblok wonten Persatoean Goeroe. ...

Tjekak prakawis toemindakipoen mangsi borong! Inggih koela soewoen: P. G. H. B. kaparenga jasa *koran-botjah*!

\*\*\*

Toewan Pangarsa! Doemoegi samanten atoe koela! Sanadyan boten widjang, boten tapis, Pandjenengan mesti sampoen ndoengkap sedy koela. Koela namoeng loegoe nglantarakan pangresoela saking sawenèhing djagad goeroe, ladjeng koela wewahi pamrajogi kados ing nginggil! Lan, ... manawi wonten karsa Pandjenengan, *Patjar-Mérah-ipoen* Sw. T. inggih boten wegah toemoet-toemoet ngisèni koran-botjah waoe!

Kumuningsasél 2 Fr. '30.  
Taklim: *Patjar Mérah*.

kang doemoeginipoen saprikoe taksih pinoendoetan pamrajogi. Dados kados déné moendoet rembag dateng Suiker Syndicaat poenika, namoeng ladjeng toemrap prakawis-prakawis ingkang mligi preloening gendis.

Paréntah nglaksanani panjoewoen makaten poenika. Nanging Suikersyndicaat boten mangretos. Mangretosipoen sareng sampoen wonten poetoesan. Mangka Suikersyndicaat boten roedjoek, déning: 1e. manawi boten saged toes lalajan rembag (pamrajogi) kaliyan Paréntah,

poenika Suikersyndicaat ngowatosaken pitoenaning kabetahanipoen. 2. Prof. Treub anggénipoen toemindak makaten waoe, tanpa dipoen-semantakaken langkoeng roemijin dateng Suikersyndicaat.

Margi makaten waoe, sapoenika Paréntah andjabel poetoesan ing nginggil. Dados sateroespoen Suikersyndicaat badé oegi kapoendoetan rembag toemrap prakawis ingkang ngéngingi gendis pijambak, lan inggih prakawis oemoem ingkang ngéngingi ondernemersbond.

(Bat. Nwbl.).





**M. v. BIENE.**

Toekang herlodji  
dan Toekang emas.

Adres jang  
moerah

**DJOKJA BANDOENG**  
Telf. 252 Telf. 226

boeat LONTJENG, HER-  
LODJI dan PERKAKAS  
EMAS.

Pembatja  
**SWARA TAMA,**

dengan bawa lembaran  
Swara Tama  
dapat **POTONGAN.**

PAKOLÈH TOER LOEWESAN  
SAÉ TOEWIN AWÈT  
INGGIH NAMOENG

**MERK GAZELLE**

INGKANG AWOEDJOED

ALCYON }  
DUNLOP } RIJWIELEN  
R. I. W.

**Nitjil kénging! — Kentjèng soekoer!**

**GAZELLE HUIS — ROEMAH GIDANG**  
**MALIOBORO — DJOKJA — TELF. 508.**

**KALAU BELI OBAT - OBAT**

**DJOKJA** **DJOKJA**

mémang tiada maoe pakai per-  
tjoema, melainkan boeat djaga  
keséhatan. Tetapi kalau tiada te-  
rima obat jang selamanja baroe  
dan paling baik, lebih pintar  
**Djangan beli sama sekali.**

Obat-obat keloearan roemah<sup>2</sup> obat

**MALIOBORO „RATHKAMP” MALIOBORO**

soedah terkenal berapa banjak  
poeloehan tahoen dan bisa dapat  
beli dimana-mana tempat. Kalau  
dapat beli tjap

**DJOKJA „RATHKAMP” DJOKJA**

tanggoeng beli jang paling baik.  
Djaga tjap „RATHKAMP”  
dan „ERCEE”

**DJANGAN TERIMA BARANG JANG BARANGKALI KOERANG BAIK.**

**ALMANAK MELAJOE**  
**1930**

soedah habis didjoeal

Dalam koerang lebih tiga boelan sadja  
soedah bisa lebih dari

**40.000**

beloem terhitoeang 40.000 **Volksalmanak**  
**Djawa dan Soenda)**

akan tetapi djangan takoet

sebab mengingat keperluan toean-toean jang  
beloem memsan, **BALAI POESTAKA** soedah  
moelai tjétak tambahannja Volksalmanak Melajoe

**8000** lagi!

**SIAPA SOEKA BOLÈH BELI,**  
**SIAPA SOEDAH TENTOELAH POEDJI!**

**Toko DJOEN & Co., Djocja.**  
PATJINAN MOEKA TOKO FUJI — TELF: No. 374.

Adres jang paling moerah dan paling baik  
boewat pembikinannja.

**ROTIE-ROTIE, KOEWEE-KOEWEE dan**  
**BESCHUIT-BESCHUIT KERING.**

**SROETOE-SROETOE dan ROKOK-**  
**ROKOK, jang haloes dan kasar.**

Djoega slamanja djangan loepa minoem kita  
poenja KOFFIE BOEBOOK, jang speciaal die  
giling dengan machine Electrics, bisa giling aloes  
dan kasar, menoeroet pembelie poenja perminta'an  
die tanggoeng sampee menjenengken, harga per  
pond f 0.90.

Bolih datang saksiken!

Memoedjiken dengan hormat  
**Toko DJOEN & Co.**

**TOKO BARANG-BARANG**  
**H. SPIEGEL — Djokja.**

**ADRES JANG PALING BAIK, boeat:**

Eetserviezen — Theeserviezen: f 5,75.  
Perkakas dari gelas, dan perkakas dapoer;  
Kereta dan korsi boeat anak-anak;  
Tempat tidoer, lampoe gasoline, dan  
— permainan boeat anak-anak ketjil. —

**Semoea barang paling djempol, dan**  
**moerah sekali!**

**TJET GILAP wedalan FRIELING model A.**

kanggé ndjawi lan nglebet, namoeng kantoen ngagem.

**kawadahan ing blèg, netto 10 5 2 1/2 1 1/2 kilo;**  
**sablèg regi 10,50 5,50 3,- 1,30 0,75;**

**TJET GILAP model B.** kanggé ndjawi lan nglebet  
namoeng kantoen ngagem; sablèg netto 10 kilo: f 8,50;  
5 kilo: f 4,50.

**PABRIK TJET R.B. FRIELING,**  
**Gondhomanan 80 — DJOKJA — Telefoon no. 784.**

**DJAMNJA HARI ACHAD DI SEMENTARA TEMPAT ADA KOERBAN MISSA.**

Ambarawa 6.30-8.30.	Lamah 5.30-6-8.	Pekalongan <sup>3)</sup> 7.30.	Soerabaja:
Amboina 7.30.	Lawang <sup>5)</sup> 7.	Pemalang <sup>3)</sup> 7.30.	Kepandjèn 6-7-9.
Bagan Siapi-api 7.30.	Madioen 6-7.30.	Pemangkat 8.30.	Anita Boul. 6-7.30-9.
Bandoeng 6-7.30-9.	Magelang 7-9.	Poerwokerto 7.30.	Soerakarta 6-7-8.30.
Benkoelen 7.30-9.	Malassar 6-7.30.	Poerworedjo 7-8.30.	Tandjoeng Balai 7.30.
Blitar 7.30.	Malang 6-7.15-8.30.	Pontianak 7-8.30.	Tandjoeng Karang 8.
Buitenzorg 6-8.	Manado 6-7.30.	Probolinggo 7.30.	Tandjoeng Sakti 7.30.
Cheribon 7.30.	Medan 6.30-8-8.30 (tjina).	Salatiga 7.30.	Tara-Tara 7.30.
Jem ber 7.30.	Medan 9.30 (mal.).	Sambas 6-8.30.	Tegal <sup>2)</sup> 7.30-9.30.
Djokja:	Medari <sup>6)</sup> 7.30.	Sambong 8.	Tering 7.
Kampementstraat Eur. 7-9.	Meester Corn. 7-9.	Sawah Loento 7-8.30.	Tjilatjap <sup>8)</sup> 7.30.
Jav. 6-8.	Mendoet 6-7.30.	Sedajoe 7.	Tjimahi 6-8.
Kota Baroe 6-7.30.	Modjokerto 6-8.	Sedjiram 5.45-8.30.	Tomohon 7-8-9.
Djombang <sup>1)</sup> 7.30.	Moentilan 5-6-8.	Samarang: 7-9.	Wates <sup>7)</sup> 7.
Fort de Kock 7.30.	Muntok 8.	Gedangan 7-9.	Weltevreden:
Gandjoeran <sup>2)</sup> 7.	Ngawi <sup>7)</sup> 7.30.	Bangkong 6.30-8.	Waterlooplein 5.45-7-9.
Gombong <sup>3)</sup> 7.30.	Padang 7-8.15-9 (tjina).	Tjandi 7.	Kramat 6-8-9 (mal.).
Keboemen <sup>4)</sup> 7.30.	Padang Pandjang 7.30.	Randoesari 7.	Wonosobo <sup>9)</sup> 7.30.
Kediri 7.30.	Pajakoembo 7.30.	Singkawang 6.30-9.	Woloan 8.30.
Klatèn 7.30.	Palembang 7-9.	Soekaboemi 6-7.30.	
Koeta Radja 6.30-8.	Pasoeroean <sup>1)</sup> 7.30.		

<sup>1)</sup> 1e. Achad. <sup>3)</sup> 2e. Achad. <sup>5)</sup> 1e., 2e., 4e. Achad. <sup>7)</sup> 3e. Achad.  
<sup>2)</sup> 1e. + 3e. Achad. <sup>4)</sup> 1e. Achad tiap<sup>2</sup> doea boelan. <sup>6)</sup> 2e., 4e. Achad. <sup>8)</sup> 4e. Achad.

**Singsè damel pedjahipoen**  
**tijang woloe.**

Wadana ing Bekasi (Betawi) dè-  
rèng dangoe anjepeng Tionghoa  
singsè, ingkang damel pedjahipoen  
tijang woloe margi kasoentik mawi  
djampi ingkang tètela andrawasi.  
Djampi waoe samangké sampoen ka-  
kintoenaken dateng C.B.Z. soepados  
kapriksa. (Mila ngatos-atos sadèrèk,  
sampoen goemampil djadjampi dateng  
doekoen apoès-apoès. Red.)

**Kamadjenganipoen Kalibawang.**

Sam. W. martosaken makaten:  
1. *Pakempalan goeroe.* Nalika  
tanggal 12 Djanoewari, sadèrèk goe-  
roe sakiwa-tengenipoen Deksa nga-  
degaken P. G. H. B., warganipoen  
30. Warga samanten poenika ingkang  
Kath. 17. Bestuur-ipoen pitoe, ing-  
kang Kath. 5. Sadèrèk Kath. 17  
poenika ingkang moelang wonten  
pamoelangan Goepermèn 3.

Kadjawi P. G. H. B., pakempalan  
P. G. B. lan P. N. S. inggih boten poe-  
roen kantoen. Malah lidipoen P. N. S.  
mèh sadaja Kath. Lidipoen P. N. S.  
poenika waoe 9, ingkang wedalan  
N. S. Moentilan lan Ambarawa 7.  
Ing ngrikoe taksih wonten wedalan  
Normaal 2, ingkang dèrèng mlebet  
warga. Sadèrèk waoe kaadjen-  
gadjeng sanget énggala noetoeti!

2. *Pagantosan.* Boten ngemoeng-  
aken para goeroe kémawon ingkang  
madjeng. Dalasan tijang pados betah  
inggih katah, tandanipoen wiwit  
tanggal 1 Febr. 1930 poenika, Pa-  
gantosan Goepermèn kabikak sarana  
ramé-ramé.

3. *Padagangan.* Tijang gegramèn  
tjalonipoen madjeng. Ngarsa dalem  
I. S. Kg. Soeltan kala 24-1-30 rawoeh  
ing Klangon (Kalibawang) preloe  
mriksani kretag Klangon. Kretag  
waoe katah temtoenipoen, dinan-

dosan. Kretag poenika dados sara-  
naning sambetipoen Kilèn Praga  
(Kalibawang) kalijan bawah Moen-  
tilan, lan oegi dados marginipoen  
para bakoel saking Kilèn Praga  
dateng Moentilan, lan kosok-wang-  
soelipoen.

**Bijoeng wentalan — Baji pedjah**  
**kabekta segawon.**

Ing Tjibalage (Tjitjasoengka) won-  
ten tijang tani soemerep segawon  
wonten sabin ambekta poenapa-  
poenapa. Sareng soemerep tijang,  
barang kasèlèhaken, segawon mla-  
djeng ngintar. Dipointingali, djeboel  
ingkang kabekta segawon waoe  
bangkènipoen baji mentas lahir.  
Pinanggihing oeroesan baji waoe  
katilar bijoengipoen wonten sabin.  
Bijoeng ingkang tresna sanget ka-  
lijan anakipoen waoe sapoenika  
wonten tanganing poelisi.

**Koeli Tionghoa damel onar.**

Ing wekdal ingkang kantoen-kan-  
toen poenika koeli-koeli Tionghoa  
ingkang nggarap margi sepoer ga-  
dahanipoen Deli Spoorweg my  
wonten ing Panehgorang, Adiantor-  
rop, Aekkrosik, Aekpaminke, kerep  
sami damel gègèr, ngrojok man-  
dor-mandor. Tionghoa ingkang ka-  
tahan wonten 20, Veldpolitie ndjagi  
papan waoe (*Sumatra Post*.)

**King Gillitte, ...**

Sinten poenika? King Gillitte poe-  
nika ingkang ngota-atik wontening  
panjoekoeran modèl énggal awoe-  
djoed blébèkan tipis sanget, lan-  
depipoen doemoenoeng kalih sisih.  
Ing salebetipoen woelan Djanoewari  
kapengker, K. Gillette wonten  
Indonésijah andjadjah tanah Djawi  
toewin Bali. K. Gillitte ambabada-  
ken gesangipoen dateng wakil *Anéta*,  
soeraosipoen makaten: "... Koela

wonten hotel., badé tjokoer, péso  
koela ketoel sanget, ngantos kepek-  
sa ngasah. Tjipta koela: péso kaja  
ngéné iki moeng nggelani... Ma-  
nawa wong, bisa mabik pèmès  
tijilik, tipis, moerah, lan kepeksané  
jèn wis kanggo kena diboewang,  
... méndah apiké, wong-wong sa-  
djagad mesti ora répot déning pa-  
njoekoeran kaja ngéné iki... Koela  
wonten hotel ngrikoe ladjeng  
metjah nalar, anggamban wonten  
kertas, ngantos woedjoed kados  
péso Gillitte kados samangké poe-  
nika. Nanging rekaosipoen sapoe-  
nika, kados poendi anggènipoen  
ngedalaken. Taoen 1901 koela saged  
kekempak arta 5000 dollar Sedy  
koela, koela laksanani; manggèn  
ing kamar alit. Nanging boten won-  
ten tijang ingkang poeroen toembas  
temahan péso koela ladjeng koela  
doem-doemaken lalahanan (minang-  
ka reclame., Boten dangoe arta sa-  
manten waoe telas, ... malah pabrik  
koela ladjeng gadah samboetan  
11.000 dollar. Anggèn koela nindak-  
aken pabrik alit-alitan wonten ka-  
mar waoe, kalijan tijang wasis ba-  
bagan techniek; lan ... ngawonte-  
naken aandeel pawitan 100.000 dol-  
lar sarana sadé aandeel 10.000 regi  
njadasa dollar. Nanging, boten won-  
ten tijang ingkang poeroen toem-  
bas... Margi makaten waoe on-  
derneming koela, koela bibiraken.  
Dilalah koela saged pinanggih  
mitra koela lami toewan Joyce pa-  
ngageng pabrik gendoel ..., ing-  
kang ngalembana péso damelan  
koela Mitra koela waoe ladjeng ne-  
bas kapitala - aandeel waoe 60.000  
dollar. Nanging, mangké manawi  
pabrik sampoen nelasaken 30.000  
dollar mangka boten madjeng, Joyce  
badé boten poeroen teroes. Kelam-  
pahan sampoen nelasaken 30.000  
dollar, kawontenanipoen dèrèng

nglegakaken, nanging mitra koela wa-  
oe taksih oeroen neroesaken. Sareng  
arta sampoen telas 55.000 dollar. ing  
ngrikoe saweg kémawon katingal  
gesang. Wiwit dinten waoe, sale-  
betipoen kalih dasa taoen ing pa-  
ngraos koela kados boten saged  
mitoeroeti welingan-welingan saking  
poendi-poendi. Mangka pabrik koe-  
la sampoen mawi mesin-messin saé  
toer mlampah rintin daloe. Sapoe-  
nika, pabrik koela saben dinten da-  
mel péso Gillitte waoe *tigang mli-  
joen*, lan njepoeh-salaka (vernikke-  
len) 210.000 idji. Sadèrèkipoen ès-  
tri King Gillitte waoenipoen toem-  
bas aandeel 2000 dollar, sawatawis  
taoen kémawon sareng pijambaki-  
poen pedah saged nilari kapénakan-  
ipoen èstri kekalih katahipoen 3 1/2  
joeta dollar laré satoenggal...  
Kajarijos toewan King Gillette wa-  
oe manawi sampoen saking tanah  
Djawi ladjeng dateng Bali teroes  
dateng Hongkong lan Djepang,  
wangsoel dateng Amerikah malih  
bèndjing Mei.

**MANTJA NAGARI.**

**NEDERLAND. Poetri Juliana.**  
Kala 31 Djanoewari Poetri Juliana  
winisoeda doktor ing babagan ka-  
soesastran lan wijsbegeerte.

**ROESLAN-MEXICO. Pasoelajan.**  
(Moskou 31 Jan. Aneta Reuter).  
Oetoesan Sovjet ing Mexico kaoen-  
dang wangsoel. Déné oetoesan  
Mexico ing Sovjet wingi wangsoel  
dateng Mexico.

**ROESLAN. Awisan dagangan par-  
tikelir.**  
(Moskou 2 Febr. Aneta Reuter).  
Paréntah Sovjet ngoendangaken te-  
tijang partikelir boten kénging da-

gangân: barang-barang metaal, tex-  
tiel, pirantos - pirantos chemie lan  
èlèktris, radio, gendis, lisah patra,  
sarem, rèk, sata, rokok. Ingkang  
kénging sadé dagangan - dagangan  
twaos namoeng nagari kalijan toko-  
oko coöperatie.

Dawoeh kaseboet nginggil poeni-  
ka, dados sapéranganing sedya sa-  
king sakedik njowak padagangan  
partikelir.

**DJERMAN. Arta kertas palseo**  
**kalijan politiek.**  
(Berlijn 31 Jan. Aneta Radio). Pra-  
data sampoen tigang minggoe mriksa  
prakawisipoen bangsa Djerman  
sakawan lan bangsa Georgiers kalih  
ingkang kadakwa damel arta kerta-  
s-Roeslan-palseo. Wonten dakwa  
kalih ingkang nerangaken anggè-  
nipoen damel kertas palseo poenika  
kanggé preloening politiek, boten  
kanggé badanipoen pijambak. Won-  
ten ing pabaratan politiek, damel  
arta palseo poenika barang limrah.  
Dakwa waoe (Karumidze kalijan Sa-  
datierarchwill) anerangaken **Roeslan**  
**pijambak wiwit 1928 moetoes**  
**ngedalaken arta kertas palseo**  
**wedalan Inggris, arta Amerika,**  
**Mexico, Tjina. Ing wiwitaning**  
**taoen 1929, arta-arta palseo waoe**  
**kakintoenaken katah sanget da-**  
**teng Tionghok, kadawahaken**  
**djéndral Feng Yuh Siang. Ma-**  
**katen oegi inggih wonten inkang**  
**kakintoenaken lantaran agèn-**  
**soviet dateng India Inggris, Sijem,**  
**Paléstina Syrië, lan Amerika.**  
**Menggah toedjoenipoen kanggé**  
**nggempoe aosing artanipoen ta-**  
**nah-tanah waoe, wasananipoen**  
**sageda ladjeng kanggé politieke**  
**revolitie. Dakwa kakalih ane-**  
**rangaken oegi bilih kertas-kertas**  
**dollar ingkang sapoenika am-**  
**bandjiri djagad, poenika inggih**  
**pabrikan Roeslan ...**